

Шочмо эл, порылык да чын верч!

34-ше (3578) №,
2022 ий 26 август,
кугарня.

Будь готов!

Ямде лий



1933 ий 1 февраль годсек лектеш.

0+

Шинчымаш тўня вуча



Йоча-влакын каникулышт мучашлалтеш. Парт коклашке уэш шинчаш жап шуэш. Йошкар-Оласе школ пазарыште ача-ава-влак икшывышт дене куткышуэ семын шолыт, школыш каяш ямдылалтыт. Тушко мыят миен коштым. Ужалыме палаткылаште мо гына уке: тетрадь, альбом, түрлө ручка, карандаш, клей, рюкзак да молат. Пазарыште районла гыч толшо марий-влакым ужаш поснак куанле ыле. Икмынярышт дене лишкырак палыме лийна (снимкылаште). Теве Советский район Кельмаксола гыч Даша Рябинина шканже мотор блузкым да юбкым ойырен. Матвей шольыжо чонжылан келшыше спорт костюмым муын, тувырым онча. Медведево посёлко гыч Андрей Смирнов 3-шо классыш каяш ямдылалтеш. Пазарышке чапле рюкзакым ойыраш аваж дене пырля толын. Йошкар-Ола гыч акак-шўжарак Софья ден Вера Максимовамыт сумка тич тетрадьым погеныт. Ынде дневникым ойырат.



Авторын фотожо-влак.

ПОДПИСКЕ «Ямде лий» газетлан кажне тылзын 15-ше числа марте возалташ вашкыза.

Умбакыже 3-шо лаштыкыште лудса.

Икымше йоча тўвыра форум



25-27 августышто Москошто Икымше тўнямбал йоча тўвыра форум эртаралтеш. Тушто Россиянын чыла субъектше да латик йотэл гыч 12-17 ияш талантан йоча-влак мастарлыкштым ончыклат. Нунын коклаште – Марий Элын тўрлө районысо музыкальный школладж да И.С.Палантай лўмеш тўвыра да сымыктыш колледжын Национальный сымыктыш гимназийже гыч ўдыр-рвезе-шамыч (снимкыште). Йоча-влак пел шага-

таш программыште сылне марий семым кўсле, кларнет, виолончель дене шоктат. Эсогыл у сынан кўсле дене «Король и Шут» группын репертуарже гыч «Кулла колдуна» произведенийым ончыклат. Тыгак марий калык, кундем нерген каласкалат, семмастар-шамыч дене палдарат. Форум жапыште моло калык-влакын тўвырашт, йўлашт, мурышт дене палыме лийыт.

Х.АЛЕКСАНДРОВА.
Авторын фотожо.

Увер

«Придуманo в России» федерал проект почеш Йошкар-Олаште Креативный индустрий школ шке омсажым почеш. Тыгайже Марий Эл Республикыште икымше лиеш. Тудо Национальный сымыктыш гимназий пелен пашам ышташ тўнгалеш. 12-17 ияш 120 ўдыр-рвезе фото, видео паша, цифровой технологий, звукорежиссур да кызытсе электрон музык дене палыме лиеш, анимацийым, дизайным ышташ тунемеш. Кумылан кажне йоча, тергымышым эртен, школышто уш-акылжым яра пойдарен кертеш. Вашлийын мутланымаш **27 августышто** эртаралтеш.

Тау, кенез!

Тений кенез мемнам, йоча-влакым, пешак куандарыш: шокшыжым ыш чамане. Ятыр жапым вўд воктене эртаренам. Авам, изам дене йўштылаш коштынна. Пўртна деч тораштак огыл пўя уло. Тушто колым кученам. Ялысе йоча-влак, погынен, тўрлө модыш дене модынна. Футбол дене да шылын модаш поснак келшен. Кенезым суртышто ятыр сомыл уло. Авамлан емыж-саскам погаш,

шўкшудым сомылаш, в ў д ы м ш а в а ш , ш о р ы - кым оролаш, арулыкым эскераш полшенам. Кенез каныш поро шарнымашым коден. А ынде уэш парт коклашке шичман.



Диана СКВОРЦОВА.
Морко, Шўргыял.

Российысе увер

12 ияш деч кугурак ийготан енг-влак, почеламутым рушла возымо мастарлыкдам «Поэзия Красного города» всероссийский поэзий конкурсышто тергыза. Тўрыс увер – literaturnyjclubvmariyel.tilda.ws сайтыште.

8-11-ше класслаште тунемше-шамыч программированийым яра тунем кертыт. Россий Федерацийысе цифровой виангмаш, связь да массовый коммуникаций министерстве «Код будущего» проектым илышыш шындара. Тидын нерген digital.gov.ru сайтыште лудса.

3 сентябрьыште «Сенгымаш диктант» эртаралтеш. Шинчымашдам тергынеда гын, диктантпобеды.рф сайтышке йодмашым колтыман. Эн шуко баллым погышо-влакым Москосо Сенгымаш парадышке ўжит.

Марий Элысе увер

Йошкар-Оласе Бауман лицейын тунемшыже-влак Даниил Власов ден Родион Гончарик, А.С.Пушкин лўмеш Йошкар-Оласе 4-ше номеран гимназий гыч Илья Долгополов Руш географический обществоын эртарыме проектышке волонтер семын ушненыт. Нуно **кўнчен лукмо пашам эртараш полшеныт.**

«Культура» нацпроект почеш Марий Турек посёлокысо йоча сымыктыш школ тунемме арверым, литературым, домрым, балалайкым, «Н.Рубинштейн» фортепяным, пюпитрым налын.

31 августышто Т.Евсеев лўмеш Национальный тоштерыште «Весь узел русской жизни сидит тут» ончер почылтеш. Тудо Пётр I кугыжан шочмыжлан 350 ий теммылан пўлеклалтеш. Школышто тунемше-влаклан тунамсе историй нерген келгынрак пален налаш онгай лиеш.

Тўналтышыже —
1-ше лашты-
кыште.

Шинчымаш тўня вуча

Йочам школлан ямдылаш окса шагал огыл кўлеш. Тўрлө Арвер да вургем ак ий гыч ийыш шергештеш. Йошкар-Оласе Рўдө пазарым шергал лектын, ак дене палыме лийым. Тыглай тетрадьым ончалаш гын, лаштыкын чотшым шотыш налын, 12-25 тенге шога. Посна предметлан кельштарыме тетрадь-влак — 40-55 тенге. Альбомым 50-90 тенгелан налеш лиеш. Дневниклан 50-120 тенгем тўлыман. Пенал-влак куэмышт, кугытышт дене ойыртемаптыт, садлан 60-550 тенгешым муаш лиеш. Ручка — 5-50 тенге. Акварель чия — 85-150 тенге. Клей — 20-40 тенге. Книгалан подставке — 70-90 тенге. Рюкзак 1500-4000 тенге шога.

Школлан арверым, вургемым кушто наледат? Тений йочам школышко погаш мыняр шийвундо кўлеш? Тидын нерген ава-влак деч йодыштым.



Л.П. АГАЧЕВА (Йошкар-Ола):

— Эргым тений парт коклашке икымше гана шинчеш. Школ формым класс дене ик вере ургыктенна. Йолаш, жилет, кок тувыр 6450 тенгешке шуыныт. Канцтоварым кевытыште наледенна. Тидлан куд тўжем тенге наре кўлын. Кугурак эргым Палантай лўмеш тўвзра да сымыктыш колледжыш тунемаш пурен. Тўнжжө — сайын тунемышт, таза лийышт.

А.Е. МИХАЙЛОВА (Волжск ола):

— Кызтысе саманыште йочам школышко погаш куштылгы-жак огыл. Кок эргым Волжск оласе 12-шо номеран школышто тунемеш. Кугуракше визымше классыш вончен, изиракше — кумшыш. Тетрадьым, ручкам да моло канцтоварым июныштак налынна. Вургем кўлеш гын, чыла воктенак. Эргым-влак кекеж мучко палынак кушкыныт улмаш. Садлан школ формым, моло вургемым уэмдышна. Тидлан шагал огыл шийвундым луктын пышташ логале. Тунемше ден туныктышо-влакым шушаш у тунемме ий дене саламлем! У кўжытым, чытымашым, пенгыде тазалыкым тыланем.



Н.Л. ЕГОШИНА (У Торъял посёлко):

— Мемнан дене пазарыште, кевыт-лаште утларак наледат. Южышт интернет йөн дене пайдаланат. Школышто икгай формым чият. Вургемым Йошкар-Олаште ургыктена. Ёдыр-влаклан — сарафан, южышт юбкымапталыт. Тидлан ныл тўжем тенге наре кўлеш. Эше блузкым, туфльым да молымат налман. Канцтоварат шулдо огыл. Чылаже кум тўжем тенгем тўлышна. Школышко ёдыр икшывым колташ 15-18 тўжем тенге кўлеш, рвезылан — 13-15 тўжем тенге. Школыш каяш чыла ямде. Шинчымаш кечым вучена.



Х.АЛЕКСАНДРОВА мутланен.

Палаш онгай

→ Школ формым Великобританийште шонен луктыныт.

→ Шукемдыме таблицым эн ончыч Китайште кучылташ тўналыныт.

→ XX курым марте ёдыр ден рвезе-влакым посна туныктеныт.

«Ямде лий» 2022 ий 26 август



Увер

Кумылан кажне ег начарын илыше еш-шамычлан школ рюкзакым погаш полшен кертеш. **Поро кумылым ончыктымо акций 9 сентябрь марте шуйна.** Рюкзакым, ручкам, карандашым, пеналым, тетрадьым, альбомым, фломастерым, чиям, кистычкым да моло канцеляр арверым кондаш лиеш. Пөлекым **Образований управленийште (Йошкар-Ола, Комсомольский урем, 134-ше пөрт, 220-шо кабинет)** вучат. Поро пашада нерген сочкыллашке возен кертыда. Тыгодым **#Добродетям** хэштегым шындыман.

Синквейн

Школ
Кугу, волгыдо.
Тунемына, модына, юарлена.
Уш-акылым погымо вер.
Пөрт.
Софья ЧЕМЕКОВА.
Советский, Орша.

Рекламе.

1 сентябрь
Шинчымаш кечым
икшыве-влак дене эртарена

17:00 йомакысе герой-влак дене фотосессий, модыш, мастер-класс, тамле пөлек...

18:00 МЮЗИКЛ
Ший Пампалче


Шкетан театр

3



Юзо тўням пӧлекла

Настя Соловьёва (снимкыште) Советский посёлкысо 3-шо номеран школын 9-ше классым йошкар аттестат, Йоча усталык школым йошкар свидетельстве дене тунем пытарен. Уста тунемше, активистке тўрлӧ направлений почеш изинек уш-акылжым пойдара. Йоча усталык рўдер пеленысе «Радуга добра» волонтер отрядыш 5-ше класс гыч коштеш. Кызыт шкежат вожатый семын пашам ышта. «Огонёк» дистанционный онлайн-отрядыште, «Планета детства» экологий отрядыште вожатый лийын.



Фотом еш архив гыч налме.

Увер 23-29 августышто
Марий Эл

Республикысе «Авангард» военно-патриотический рўдерыште йоча толкынлан да поро кумылым ончыктыш-влакын кенжежымсе школыштан пӧлеклалтше смене эртаралтеш. Тушко тўрлӧ район да олала гыч

150 ўдыр-рвезе ушнен.

Чолга йоча-влак Пионер организацийын, Марий Эл Республикысе йоча да подростко-влакын «Эр вий» ушемыштын, Юнармий да Школьник-влакын россияйсе толкынлаштын эртыме корнышт, кызыт шуктымо пашашт дене келгынрак палыме лийыт.

толкыныштын «Импульс» республикысе профильный лагерыште тўрлӧ район гыч 200 ўдыр-рвезе канен да шинчымашыжым пойдарен. Чылаже 10 отряд лийын. Кажне кече тўрлӧ вашлиймашлан, спорт модмашлан (снимкыште), квест-модышлан поян лийын. Кажне йоча усталыкшым йолташыже-влаклан ончыктен. Ўдыр-рвезе-влак строй дене кошташ тунемыныт. Марий Эл Республикысе йоча мер организаций-влакын фестивалыштым эртараш полшеныт.

Алевтина СВЕТЛОВА.

Курыкмари район.



Фотом интернет гыч налме.

и о к т ы - шем вашталтын. Мый ен-влак дене кылым ыш-таш,

онай модышым але конкурсым писын шонен лукташ тунемынам. Ончыкылык илышемым йоча-влак дене кылдынем: педагог лияш шонем, – палдара чолга ўдыр.

Е.ИВАНОВА.

Изи ошкыл – кугу сенымаш



Сенгымаш

Марий Эл гыч Алия

Ибрагимова ден Анастасия Бусыгина «Орлята России» программе дене тунемше-влаклан формын эскизшым ямдылыме всероссийский конкурсышто сенгыше радамаш лектыныт. Нуным кумдан палыме стилист Лина Дембикова деч чапле пӧлек да онлайн вашлиймаш вучат.

Капитан улам

Школыштына «Вместе» волонтер отряд пашам ышта. Мый капитан улам. Ўдыр-рвезе-влак дене тўрлӧ конкурс ден акцияш ушнена. Изирак класслаште тунемше-шамычлан Кугу Ачамланде сар нерген каласкалена. Совет салтакын геройлыкшо дене палдарена. Тений «Большая перемена» всероссийский конкурсш икымше гана ушненам. Кокымшо турыш логалын омыл гынат, кумылем волен огыл. Ончыкыжым пашам кыртмен ышташ тўналам.

Юлия ПЕТРОВА.

Звенигово, Шолэнгер.

Таза ача-ава – таза йоча

«Икшыве – ача-аван воштончышыжо», – манит калыкыште. Йоча-влак кугыенгым ончен тунемыт. Поро пашам ыштет гын, нунат ты корным тошкат. Спорт дене кылым кучет – пеленет куржталаш, ече дене мунчалташ вашкат. Шернур посёлко гыч Шкалинмыт ешыште (снимкыште) кажне эрдене зарядкым ыштат. Радам дене шогалын, чыланат капкылым тарватат. Изижат-кугужат вараш огыт код. Ава икшыве-влаклан кугу примерым ончыкта.

Спортышко корно

Озавате Анна Николаевна Шернур район Йошкар-Памаш ялеш шочын-кушкын. Марисола школышто тунеммыж годым спорт дене кылым кучаш тўнгалын. Туризм дене районысо, республикысе, россияысе тагнасымашлашке ушнен да сенышыш лектын. Аваже тўнгалтыш класслам туныктен, садлан ўдыр туныктышо лияш шонен. Школ деч вара Оршанке педколледжыш физкультур денем туныктышылан тунемаш пурен. Вара менеджер професийым налын. Тидын годымак Шернур посёлкысо спорт школышто пашам ышташ тўнгалын, завуч лийын. Вуйлатыше марте кушкын. Кызыт тиде тўнеж Шернур посёлкысо физкультур да спорт рўдер маналтеш. Анна Николаевна тыште волейбол да баскетбол дене секцийлам вўда. Тудо эргыже-влаклан спортышко корным почын.

Изижат вараш ок код

Кугурак эргышт, **Максим**, 2-шо номеран Шернур школын индешымше классшым чыла «визытанлан» тунем пытарен. Спорт дене пенгыде кылым куча. ГТО нормативым шўртнў значоклан сдатлен. Ече дене изи годсек талын мунчалта. Икымше кугыен разрядше уло. Грамотшым, медальжым шотлен от пытаре! Ече дене Рошто кас республикысе тагнасымаште кумшо верыш лектын. 9 Майлан пўлеклалтше «Сенымаш корно» республикысе тагнасымаште кокымшо лийын. Тений

физкультур денем республикысе олимпиадыште районын чапшым арален. Волонтер пашам яра жапыште шукта.

Матвей визымше классышке вончен. Изаж семынак «визытанлан» веле тунемеш. Ече дене талын коштеш да эрыкан кучедалмаш денем пенгыде кылым куча. Кучедалаш тренерже



Фотом еш архив гыч налме.

В.В.Дудоров туныкта. Сенымашыжат уло: Талешке кечылан пўлеклалтше районысо открытый турнирыште – кумшо вер.

Кум ияш **Марианна** йочасыдышке коштеш. Изаже-влакым ончен тунемеш. Нунын денем пырля тўрлў упражнениым ышта. Вараш ынеж код. Аважын пашаверыштыже лияш йўрата. Изинек спортлан шўман кушкеш.

Спорт денем кылым кучышо таза ача-аван икшывыштат таза. Спортын вийже кугу.

гаште, энер серыште, жапым эртараш йўратена. Тений Медведево посёлкысо зоопаркышке миенна. Йоча-влаклан янлык-шамычын ылышыштым эскераш келшен. Коча-кова дек унала коштына. Ялыште южшак весе, шўлашат куштылго, – ойлат ватемарий.

Х.АЛЕКСАНДРОВА.

Кугу (тїшка) еш денем илаш куштылго.


Калыкмут.

Россий Федерацийысе цифровой виангмаш, связь да массовый коммуникаций министерствын окса польшыж денем лукмо.



Коваште воштончыш гай

Коваште эн кугу органлан шотлалтеш. Тудо организмыште вӱдым, шокшым арала, пӱжвӱд дене уто шинчалым, кислородым «нелын», углекислый газым луктеш да моло ятыр сомылым шукта. Коваштым арун от кучо гын, тӱрлӱ чер дене черланаш лиеш. Тидын да моло нерген Звенигово район Красногорский посёлкысо эмлымверын тӱнг врачше, дерматовенеролог Н.Л.Янгелова (снимкыште) дене мутланышна.



– *Нина Леонидовна, йочан коваштыже таза лийже маньын, тудым кузе эскерыман?*

– Коваште кажне ийготышто ойыртемалтеш. Изи йочан коваштыже шижше. Чӱчкыдын пӱжалтмыжлан кӱра шӱйыштӱ, эрдыште коваште чер виянын кертеш. Садлан ача-ава-влак-лан вургемым чиктыме годым игечым шотыш налман. Коваште шижше але утларак коям лукшо гын, икгай шовын ден шампунь огыт келше. Тыгай годым эмлаш кучылтмо шампунь дене пайдаланыман.

– *Ӱдыр-рвезе-влак могай чер дене утларак черланат?*

– Йоча-шамычым шукыж годым аллергий тургыжландара. Тиде кочкышлан, пураклан, пийын але пырысын пуныштан, мушмо порошоклан кӱра лийын кертеш. Тӱрлӱ бактерий пиодермий черлан шарлашыже полша. Пырыс деч понго чер – микоз (калыкыште лишай маньыт) – пижын кертеш. Кугурак ийготан йоча-влакын чуриешпшт чӱнча лектеш.

– *Чӱнчам темдаш, чывыштылаш лиеш?*

– Чӱнча гормон вашталмылан кӱра лектеш. Вес семынже угри маналтеш.

Тидлан шуко шерым, чипсым, кириешким кочмаш, газан шере йӱышым йӱмаш амалым ыштен кертыт. Чӱнчам темдаш ок лий. Тыге чер утларак шарла. Тудым пытараш мазьым йыгыман, тӱрлӱ витаминым йӱман. Чурийым сайын эрыкташ мондыман огыл.

– *Ача-ава-влак икшывыштын шочмо палышт верч тургыжланат. Врач дек каяш амал кунам уло?*

– Шочмо пале-влак тӱрлӱ лийыт. Иктышт шочынак улыт, весышт шочмеке лектыт. Кажныжым тӱткын эскерыман, дерматолог дек идалык-лан ик гана коштман. Шочмо палым кече йымалне когарташ, мочалке дене утыжден пентгыдын йыгаш, удыраш, пургедаш ок лий. Писын кушкеш, тӱсшым вашталта але лӱгышташ тӱналеш гын, врач дек кайыман.

– *Кидым мушде коштат гын, удыртыш чер дене черланет, маньыт.*

– Удыртыш лавыралан кӱра огыл, черым лукшо копшанге верч тӱналеш. Тудо лавыран кидан деч огыл, тыгай чер дене черле улшо ег деч пижеш. Садлан тӱрлӱ арверым кучылтмо деч вара

кидым эре мушман.

– *Шокшо игече шогымылан кӱра коваштылан поснак кугу тӱткышым ойырыман, очыни.*

– Кенежым шкем аралыман. Кечывал кундемыште вияш кечыйол йымалне коштман огыл. Кече дерматит лийын кертеш. Кугурак лӱдыкшат уло – онкологий чер. Тыгай ынже лий маньын, коваштыш келшыше крем-ым йыгыман.

– *Йоча-влак йӱштылаш йӱратат. Вӱдыштан черым муаш лиеш.*

– Чынак, шокшо кенежым ӱдыр-рвезе-влак церкариоз дене черланен кертыт. Церкарий шукш титаканлан шотлалтеш. Тудо шогышо вӱдыштӱ утларак вашлиялтеш. Садлан лудо ден комбо-влакын ийын коштмо ерыште але пӱяште йӱштылман огыл. Вӱдыш пуримо деч ончыч келшыше мазьым йыгыман. Йоча-влак, кенеж каникулдам пайдалын эртарыза, капкылдам шуарыза. Тӱнгжӱ – таза лийза.

Х.АЛЕКСАНДРОВА мутланен.
Фотом еш архив гыч налме.



Тушто-влак

Шудем шыже еда муным мунча.

Пакчаште пел йолан ош комбо шога.

Телым нарынче, йыргешке; кенежым ужарге, кужу.

Пайдале кочкыш

Йоча-влакын кечыгутысо кочкышпштышт 15 тӱрлӱ продукт лийшаш. Мутлан, пакчасаска тӱрлӱ витаминлан, минерал шинчаллан, клетчаткылан поян. Тудо шолоран пашажым саемда. Кешырым, шога-ным, киярым, помидорым, ревым, кавуным, ковыштам, редискым кочкашак тыршыман.



Олма, апельсин, банан йоча-шамычлан поснак пайдале улыт. Лимон ден грушымат тамлыман.

Емыж-саскан пайдаже изи огыл. Пӱчыжым, энгыжым, модым ик эн ончыл верыш шындыман.

Саскалан поян

А кенеж игече
шокшо-шокшо,
Чоным ок нал
йүштө-йүштө покшым.
Ўдыр-рвезе-шамыч
модыт куанен,
Сылне ял уремым
чылт шергылтарен.

Тиде пагыт тич конден
пөлекым:
Вишным, снегым,
ший олмам, сливетым...
Йырымваш – узьмакысе
гай тамле пуш,
Ах, йомеш коклан эсогыл
тыйын уш.

Шем кожлаште энгыжше
мыняре!
Тудым тый поген, уке,
от ярне.
Сылне кайык-шамыч
мурым муралтат,
Тушко ушнена
кугу тўшкан меат.
Аня ПРОХОРОВА.
1-ше №-ан Шернур школ.

Йышт изи гына, а пеш ушан
мландым удыркалат, эре ала-мом кычалыт. Эше чояланен
моштат. Шекланен от шукто гын, пакчаш йыштак пурат.
Тыманмеш йыраным удырен лектыт. Тиде веле мо? Южо
чывыже мунжым шылта: шылын мунча. Тудо молан тыге
ышта? Йоча-влак, ала те паледа?

Морко, Коркатово.



Илья МАКСИМОВЫН сўретше.
Волжский, Пөтъял.

Помидор «шыргыжеш»

Коваем дек уналыкеш
кошташ моткоч йоратем.
Кенежым, пакчашкыже лек-
меке, пеледыш кугыжанышке
логалмыла чучеш. Емыж-сак-
каже могай гына уке?! Пуйто
шкешт дек ўжыт, шўвылвў-
дым йоктарат. Помидорат тора
гыч «шыргыжеш». Иктыже
вигак шинчамлан перныш.
Арам огыл – эн кугу (**сним-
кыште**). Кўрлым, мөнтө пур-
тышым, висышым. 800 грамман
улмаш. Йоратен ончет гын,
лектышыжат кугу лиш.

Богдана МИХАЙЛОВА.
Морко, Тыгыде Морко.

«Ямде лий» 2022 ий 26 август



Фотом
еш архив
гыч налме.

Шылын мунча

Ме шуко чывым ончена.
Нуно эр кече дене пырля
кынелыт да кудывече мучко
куржталыт. Мый чыве-вла-
кым эскераш йоратем. Ву-
улыт. Кечыгут йолышт дене
улыт. Кечыгут йолышт дене

Ксения БОГОЛЮБОВА.

29 август – Пўкш спас.

Тиде кечылан пўкш
тўрысnek шуэш. Тудым пай-
рем кечын тамлен
ончыман. Пўкш
спас дене кыл-
далтше икмы-
няр пале уло.



- Пўкш шуко гын, шушаш ийын поян шурно шочеш.
- Пўкш шолдыра да чот шушо гын, шокшо лишеш. Шўйшө да тамле огыл – йўр чарныде опташ тў-налеш але кукишо ийым вучыман.
- Ты кечын вараксим-влак шокшо элыш чонештат – шокшо шыже лишеш, турня-влак – теле ондак толеш.

Ўстембалне

Задаче

куд стакан рат дене шога.
Кумытшо яра, пытартыш кум стаканже вўдан. Яра ден
вўдан стакан-влакым икте-весишт дене алмаштен шын-
дыза. Тыгодым ик стаканым веле кидыш налаш лишеш.

МЧС шижтара

Шокшо
игече шогы-
мылан көра
чодыраште
тўткө лийза.



«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.rf

УЧРЕДИТЕЛЬ-ВЛАК: Мари-
рий Эл Республикысе
культура, печать да калык-
влакын пашашт шотышто
министерстве, «Кугарня»
газет» кугыжаныш унитар-
ный казна предприятий.

Газетым редакцийыште по-
гымо да верстатлыме, «Марий Эл Республикысе
Правительствын типографийже» ООО-што ямде оригинал-
макет гыч савыктыме. Типографийын адресше: 424000,
Йошкар-Ола, Комсомольский урем, 112.

Газетым Кыл, информационный тех-
нологий да массовый коммуникаций
сферым эскериме шотышто федераль-
ный службын Юл кундем федеральный
округысо управленийыштыже регис-
трироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шоныма-
шышт тўрлө лийын кертыт. Серыш-
влак мөнгеш огыт колталт.
Ак – кутырен келшыне почеш.

Редакцийын да издательыне адресше:
424006, Йошкар-Ола, СССР Вооружённый
Вийын 70-ше идалькше урем, 20-шо пөрт.
Тел. 8(8362) 45-22-82(факс)

